



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 3. Desumpta ex residuis capitibus, quæ reperiuntur in libro Exodi,
& in quibus describitur TExtura Vestium, Erectio Tabernaculi, & hâc
perfectâ Nubis & Gloriæ divinæ Apparitio.

[urn:nbn:de:hbz:466:1-61252](#)

rus Imperator, nullam sanciebat legem, quam antea non dedisset Iurium peritissimis ponderandam. Hoc ipsum imperantibus imperat Deus Proverb. 3. dicens: *Ne innitaris prudentia tua, & infra: ne sis sapiens apud temetipsum*, ut enim ad res obscuras & clarè cernendas adhibere oportet perspicilia, ita ad decernendas quæstiones altioris momenti opus est operâ Consiliariorum. Tertia Virtus in Prælato requisita Fortitudo dicitur, quam claris insinuat verbis Moysi locutus Jethro Exodi 18. *Provide de omni plebe viros potentes.* Tales, qui nec adversis frangantur, neque secundis extollantur, nec deterreantur subditorum querelis, nec eorum adulationib⁹ flectantur, ut vel latum unguem ab æquo rectoque deflectant. Vitia, legibus repugnantia sine ullo personarum respectu culpent, & vindicent. Habeant cum Ferdinando Cæsare sibi familiare illud adagium: *Fiat Justitia, & pereat mundus.*

Hactenùs usurpata brevitas longiorem me esse non patitur: dicerem alias: Prælatos præter attactas virtutes, decere Humilitatem, qualem ab illis exigit Deus Deuteron. 17. *Nec elevetur cor ejus in superbiā super fratres suos.* Dicerem: vel maximè illis colendam esse mansuetudinem & affabilitatem, qua faciles subditis aditus & aures præbeant, hortante Vespasianō: qui dicere consueverat Suctoniō teste: non oportere quemquam à Cæsare tristem discedere. Sed quòd nec oporteat, ipsum cum grandi formidine accedere, docet S. Joannes Eleemosinarius Episcopus Alexandrinus qui ut refert Baronius 610. asserebat: *Si nobis, qui homines sumus, licet ad Deum accedere absque ullo intercessore: quomodo illud non etiam liceat conservis nostris ad nos?*

Doctrina 3.

Desumpta ex residuis capitibus, que reperiuntur in libro Exodi, & in quibus describitur Textura Vestium, Erectio Tabernaculi, & hæc perfecta Nubis & Gloria divine Apparitio.

N. 120. Considera 1. **M**alo granata, quæ sunt Sanctioris vitæ symbola, in nulla parte vestimenti Sacerdotalis, imò cuiuslibet Christiani aptius locari, quam in infima: ut, dum subtrahuntur hominum conspectui, per humilitatem in suo vigore valoreque coram divinis conservantur oculis. Esther non tam speciosa, quam virtuosa mulier cùm fese ad regales usque demitteret abjiceretque pedes,
ad eo



ad eo regium inflexit animum, ut omnibus ejus petitis quam promptissime annueret. Joannes cum sanctitatem suam, licet altissimam adeo nihili haberet, ut se solvendis Christi calceamentis aestimaret indignum, meruit audire divino ore, quod illo non sit major inter natos mulierum. Maria Virgo, cum excellentiam virtutum suarum, quam ipsis Angelis erat stupori summo, tegere niteretur vilis ancillulae amictu, Verbi aeterni mater & celestium spirituum Regina compellata est. Quando Abraham, vir nunquam sat laudatae virtutis, auditus est dicere Genes. 18. *Ego sum pulvis & cinis*, adeo divinæ Justitiae rigorem mitigavit, ut si inter tot mille Sodomitas tantum quinquaginta, quin imo decem tantummodo invenire datum esset, tota civitas mansisset a flammis ultricibus secura. Sanè sicut hauriens aquam, eò puriorem haurit, quoniam profundior fuerit puteus: ita Justus eò majorem consequitur gratiam, crescitque majoribus meritis, quoniam profundior ejus fuerit humilitas. Ad hanc virtutem eò magis aestimandam, ut nos induceret Deus, ipse se humiliare non veretur, dum S. Scripturâ teste cap. 40. v. 32. inclinans cœlos descendit, & suâ gloriâ implevit Tabernaculum Domini. *Quid ergo superbis homo?* ait Venerab. Beda in Joan. c. 6. *Deus propter te humilis factus est. Puderet te fortassis imitari humilem hominem: saltē imitare humilem Deum.* Quid ergo aestimari, quid laudari affectas, si virtutem aliquam possideas, de qua solius Dei est judicare: an vera sit, nec ne? quid instar Gallinæ ovum glocitando prodentis, bonum, si quod fecisti opus, jaetitas? quid cum pavone pennis explicas, non respiciens ad deterrimos pedes plurium culparum, quibus abundas? sicut puella nobilis & dives, si uno pede claudicet, aut oculô uno orbata sit, non tam attendit ad genus ac dotem suam, quam ad defectum, quoniam laborat, & intuitu cuius omnem exuit superbiam; ita si quid in te repereris laude dignum, cogita: graviores adhuc reperiri culpas, qui laudem hanc vituperiis longè superent. Ó quam multorum pietatem nunc deprædicat mundus, qui quondam cum Doctore Parisiensi exclamabunt: *Justus Dei iudicio damnatus sum.* Quam multorum extollit humilitatem, qui cum superbo Lucifero quondam ad ima devolventur Tartara. Quam multorum admiratur liberalitatem, qui gratiam divinam, & donis omnibus spoliati exclamabunt cum divite epulone: *Quantum crucior in hac flamma!* Quam multas nunc vocat Virgines, quas quondam videbit meretrices, cum Dalila aeternis ignibus cremandas. Considera tantum lapsus tuos

quotidianos, ineptias, inconstantias, vanitates. Vide: quomodo etiam post tot pœnitentiæ remedia, & concepta proposita non desinas more canum ad turpem redire vomitum? cerne: quot merendi occasions negligas? quot Dei & Angeli custodis inspirationes repellas? quot oblatas gratias nihili ducas? & in virtutum studio tot jam annis versatus, nec parum etiam profeceris? si hæc ad trutinam posita, humilitatem tibi non persuadeant, lapis es, non homo.

N.121. Considera 2. Gloriam Dei non antea implésse Tabernaculum Testimonii, antequam fuerit ex integro perfectum. Videtur id ea de causa factum, ut demonstret Deus: *Quanti æstimet boni operis consumationem, quā non datā, opus displiceat Deo:* Hinc Salvator non antea auditus est dicere: *Lucæ 22. Dispono vobis Regnum,* priusquam dixisset: *Vos estis, qui permanistis mecum in temptationibus meis.* Marci 8. legitur: copiosam hominum turbam pedestri itinere Christum secutam esse: nec secutam tantummodò unā die, sed integrō triduō, nullis cibis refectam, donec miraculosō conviviō omnium famem sedaverit Christus. Erat convivium hoc figuracœlestium epularum, quas Christus non amplius in deserto, sed in supremo cœlorum Palatio suis adornat sequacibus: has autem non gustabunt, nisi quos hic in fame & siti ferenda constantes fuerit expertus. *Tolle perseverantiam,* ait S. Bernardus Epist. 119. *nec obsequium mercedem habet, nec beneficium gratiam, nec laudem fortitudo.* Quid lucri exspectet pictor, qui tabulam à se inceptam non perfecerit? quid prodest magnâ arte exstructa fabrica, cui teclum non imponitur? quid juvat cursorem, multum viæ consecuisse, si antequam ad metam pervenerit, consistat? quid lætæ copiosæque conferunt segetes, si maturitatem non assequantur? quid fertiles vineæ, si racemi degenerent ante vindemiam? quid arborum numerosi flores, si ad ventum vel nebulam omnes defluant? cunctæ quidem virtutes properant ad metam, soli tamen Perseverantiae debetur bravium, quia hæc sola metam attingit. Hinc de illa asserit S. Laurentius Justin. de Lig. vitæ c. 2. *Ipsa est mediatrix ad Præmium, sola æternitati hominem reddit, dicente Dominō, qui perseveraverit usque in finem, hic salvus erit, &c.* Non diffiteor, perquām laude dignum esse, gerere animum, ad virtutis pietatisque formam recipiendam mollem ac cereum, at magis virtuperabile est: cereum esse in retinenda virtute, quam quis semel reperit. *Ve illis,* ait Eccles. 2. *qui perdiderunt sustinentiam.* In quæ Verba S. Greg. *Sustinentiam quidem perdunt, qui bona inchoant, non consumant, quibus nimis*

nimirum vae esse dicitur, quia non solum incepti laboris mercedem perdunt, sed & Apostolorum sui panem feriuntur; quod non infrequentes multorum virtutum virtute florentium lapsus & aeterni interitus comprobant. o quantâ divinarum litterarum peritiâ, quantô virtutum variarum splendore universem olim illustraverat Ecclesiam Origines? quem cœu Luciferum meritò venerabantur omnes Christicola: sed proh dolor! quam turpiter cecidit hic Lucifer de cœlo, quia sustinentiam perdidit. Quantam olim pietatis doctrinæque famam longè lateque sibi comparaverat Osius Episcopus: adeò, ut Augustus ipse pronâquam pietate illum Patrem vocaret, & se ei quasi Magistro Discipulum traderet in omnibus regendum. Sed o miserandam humani generis inconstantiam! tam firma Orthodoxæ fidei columna, quia & ipsa sustinentiam perdidit, collapsa est, una secum trahens immanem animarum ruinam. Quid dicam de Macario? quem constat, tam altum virtutis fastigium conscendisse, ut veræ Religionis zelô inflamatus, corpus suum objiceret horrendis torquendum tormentis, quibus etiam admirandâ patientiâ superatîs, cum superviveret, in carcere conjectus est. Sed o luctuosam viri, inter acerbissimos etiam cruciatus constantissimi inconstantiam! quem equalei & suspendia à cepto virtutis tramite removere non poterant, removit una mulier: quem cœu ferreum & adamantium emollire non poterant verba & verbera carnificum, mulieris blanditiae emolliere. Ministrabat ei in carcere ad speciem honesta mulier, cum qua familiariter factus, sustinentiam perdidit, lapsus in stuprum. Christiane Lector, si haec in viridi, in te ariido quid fieri? si tam labilis res est cum ipsis cedris, quid tecum arundine continget? age sis, subministrabo tibi pauca remedia, quibus usus perseverantiam obtinebis. Primum ex his voco diffidentiam tui: elata enim de obtentis aliquando virtutibus fiducia obicem ponit diuinæ gratiæ, sine qua diuturna in virtutum studio constantia non dabitur. Saul, cum esset parvulus in oculis suis, Regnum & coronam est assecutus; verum ab humilitate deflectens Regnum amisit, perdit coronam. S. August. Soliloq. c. 25. approbat remedium meum, Deum his allocutus verbis: Cognosco nunc, quia illuminasti me, quia quod magis credidi posse per me, minus semper potui: dicebam enim hoc faciam, illud perficiam; nec hoc nec illud faciebam. Aderat voluntas, non aderat facultas. Ad erat facultas non aderat voluntas, quoniam de meis viribus confidebam. Alterum, quod tibi suadeo remedium, Dei timorem nomino, hunc qui possidet,

det, sensus passionesque suas, ne limites exeat, continuo refrenat, peccandi occasions etiam remotas fugit, contra hostiles insultus qua-
quaversum se armat, pro divina ope nunquam non supplicat. Verbo,
dicam cum aureo Oratore Homil. 15. ad pop. dicente: *Viventem cum
timore impossibile est peccare.* His duobus utere remediis, & perseverans
usque in finem salvus eris.



FASCICULUS XX.

Doctrinarum Moralium & Asceticarum.

Doctrina I.

*Desumpta ex cap. 1. & 2. lib. Levitici, in quibus describitur Ritus & quali-
tas Holocausti de armentis, pecoribus & avibus. Lex de oblatione simila-
rum, salis & mellis.*

N.122. Considera 1.

Deum non absque speciali Notamine imperasse: ante omnia membra sibi offerri caput in sacrificandis viventibus v. g. cit. cap. quid autem morali-
ter loquendō in viventibus caput, nisi bona intentio? enim verò si-
cut caput cæteris præsidet membris, ita intentio cuilibet præsidet operi.
Quod est corpus sine vita, afferit Richardus à S. Viæt. agens de intern. hom.
Hoc est opus sine bona intentione, & Malachias Propheta cap. 1. ait: *Si offe-
ratis cæcum ad immolandum, nonne malum est?* quæ verba expendens S. Hie-
ronym. ea sic explicat: *Victima Dei est bonum aliquod opus, uti oratio, Ele-
mosina &c. Verum cæca victima est, si ejus intentio non est simplex, qui offert.*
Ut nemo, et si paratos habeat colores, similitudinem reddet, nisi ipsi
constet, quid pingere intendat; ita nemo opere suò se gratum reddet
Deo, nisi prius disposuerit sacram Idæam, cui se conformare voluerit.
Divinus ille sponsus sponsæ suæ venustatem genis adscribit, dicens:
Cant. 1. *Pulchra sunt gene tua.* Per has autem mellifluus Doctor signi-
ficari æstimat, puritatem & rectitudinem intentionis bonæ: ut enim
ex eleganti generum forma decor omnis ac venustas derivatur in fa-
ciem, & hinc illæ summò studiò ac summâ industriâ adornantur, ita
omnis